

Mla er a President Thomas S. Monson



Sengkl er a Ouchel Reng

“Ng kired el mo mesisiich er a ikel tekoi el demechitechut er ngii, e ngoriakl,” ng millekoi a President Thomas S. Monson. “Ngercheled el kot el mo ungil chad. A tara sengkl er a Dios el kired a sel deureng el sebeched el muut el melasm, le ng diak a telitur el di mereko el uaisei.”¹

Kede blechoel lomekesiu er a beches el rak lobengkel aikel runguled me a moktek er kid. Kede tibir el mo ungil, mengodech, e lmuut el melasm. A kumdasou e a kot el klou a belkul teletael sel deluut el melasm a dotireklii sel tekingel a President Monson loke dongall el kmo “sengkl er a ouchel reng.”²

Chelsel tial cheldechedechal mlengai er a osisheklelel er a le kot el mo Merredel er a Ikelesia, e a President Monson olisechakl er kid el mo “ultuil er a tngakireng er a Kristo me bo dengai a ngbetel a kngtid, me a rengud bol klikiid.”³

Ongasireng el Teletelel Osubes

“Kede rokui el mla remuul a chelbirukel lomesuul. Aleskum eng dirkak desemechokl aikal mekngit lomerelled, e a kuchais er kemiu el kmo ngarngii a roled e kede sumechokl. Tial rael okedongall el ouchel reng. A kulengit er kemiu el mo sumechokl a chelbirukel lomerelliu. A Osobeled a mlad el kildmeklii tial sengkl el mo er kau me a ngak. Ng uaisei el tial rael a diak el beot, eng di yaksok er a chelsel a klemerang: ‘A kngtim el kmal bekerkard, a di mo uaija becheleleu el snow’ [Isaiah 1:18]. ‘E ngak, el Rubak, a diak luut el dobedebek’ [D&C 58:42]. Lak mtemelii a diak a ulebengelel klengar el kirem. A obla mrebet er a klengit, e sel rechedem el mesemechokl er a rolem

el muut el mei, e ng rechedem el metik er a budech me a deureng lokuu ongasireng el teletelel a klausubes.”⁴

Mluut el mei er a Rael

“Ng uaisei el kired el mo ungil melilt, eng di ngarngii a taem e kede melilt a mekngit. A sengkl ra ouchel reng, el bilskid a Osobel, a ngosukid el ngodechii a roled, mel sebeched el muut el morsel rael el ngoikid el mora ngarbab el klebkellel el dosiik er ngii.”⁵

Rael er a Luut

“A lengarngii er kemiu a mla touchakl er a rael, e a kuchais er kemiu el kmo ngarngii a roled e ke lmuut. Tial rael a okedongall el ouchel reng. Ng uaisei el meringel, e ng di a diak e ulebengelel klengar kau a ultuil er ngii. Ngera lmuut el ngarbab er sel blak el reng er kau? A kulengit er kemiu me mtibir er chelechang e bo momuchel er a mui el ouchel el reng. Sel rechedem el kudmeklii, e ng rechedem el mo metik er a budech me a selbechakl me a yaksok er a ikel tekingel a Isaia [mesa Isaiah 1:18].”⁶

A Rechad a Sebechir el Mengodech

“Ng kired el medengei el kmo a rechad a sebechir el mengodech. Ng sebechir el chemoit a mekngit el kse er tir. Ng sebechir louuchel a rengrir er a kngterir. Ng sebechir el mo klikiid loba priesthood. E sebechir el mo blak a rengrir el mesiou er a Rubak.”⁷

Mluut el mo Klikiid

“A lengarngii a cheliseksikd el tekoi er a klengar kau, e ngarngii a roled e ke sumecheklii. Mterrob a rokui el

mekngit lomeruul. Mongedecheduch er a bisop er kau. Ngii di el mondai, e ng sebechel mesmechokl loku a meral roel ouchel reng. Ng sebechem el muut el mo klikiid.”⁸

Sel Klou a Ultutelel Urerel Osobel

“Sel kmal klou a belkul er a chelsel tial [uldasou] a Osobeled, el Jesus Krsito. A lak a tngakireng er Ngii, e a rokui a di mo remiid. Ng uaisei, el diak el klebechel, a di bo doumerang er Ngii me a Urerel el merekong. Ng kired el mo oureor e mesuub, osiik e meluluuch, ouchel a rengud e mo ungil. Ng kired el mo medengei a llechul a Dios e kiei el oltirakl. Ng kired el mo ngmai aikel chedaol ruoll el Tekingel el mo olsobel er kid. Sel bo doruul el uaisei e kid a mo nguu a merang, e diak a ulebengelel el deureng.”⁹

ULEKLATK

1. “The Will Within,” *Ensign*, May 1987, 68.
2. “Choices,” *Liahona*, May 2016, 86.
3. Mosiah 4:2.
4. “The Three Rs of Choice,” *Liahona*, Nov. 2010, 69.
5. “Omelilt,” 86.
6. “Keep the Commandments,” *Liahona*, Nov. 2015, 83.
7. “See Others as They May Become,” *Liahona*, Nov. 2012, 68.
8. “Priesthood Power,” *Liahona*, May 2011, 67.
9. “The Perfect Path to Happiness,” *Liahona*, Nov. 2016, 80–81.

OSISCHEKLEL TIA EL KLUMECH

Kid el rokui el diak decherrungel—e ng di ngokiu a sengk er a ouchel reng le kildmeklii a Jesus Kristo eng sebeched el mo klikiid er a kngtid e lmuut el mo ungil a klengar kid. Momdasou a smodii lobengterir tirkal molisechakl er tir el kmo kede mekerang e “sumechokl a teleteled” loku a ouchel el reng. Te mekerang e mla omelchesiu el kmeed er a Chedam er a Babeluades me a Jesus Kristo loku aikel ungil omelodech er a klengar tir? Ng sebechem el sioyai er tirkal molisechakl er tir el mo lmuches a tekoi el sorir el mo meruul er chelechal beches el rak e mo ngosuterir a resechelei, becherir, me a rechedal a telungalek el kirel a urerir.

NGEASEK

Mtibir el mo Ouchel a Rengum

A President Monson a smodii el kmo “ngercheled el mo cheroid er a chelitechetud e mo mesisiich er a ikel telitur er kid. Ng kired el kmal mo ungil.” Betok el chad a tutkii a Kot el Buil el kirel a moktek me a urungulir el mo ungil: lmuut el mo klikmechur, mo menga ungil

e tabesul kall, subii a kmo ngerang el mo duch er tir. Ng uaisei el ikal moktek a ngodechau el mo ungil, e ng di a kot el bedochel el rael eke mengodech a ouchel reng.

Ng uaisei el ouchel reng a sebechel meringel el tekoi, eng di tia sengk! Me sel dultuil er a Jesus Kristo loku ouchel reng er a kngtid, eng sebeched el mukeroul e merael mo ungil. A President Monson a millekoi el kmo, “A klou a belkul er a chelsel a [uldasou er a mo suobel] a Osobeled, el Jesus Kristo. A lak a tngakireng er Ngii, e kid el rokui a mo remiid.” Ngokiu ouchel reng, eng sebechem el mo klikiid er a kngtim e merael mo uai Ngii.

Momdasou er a kmo ngerang el ngii a uchul eng diak muaia Osobel. Ng tekoi el molekoi? Ng blekerdelem el mo er a resechelim malechub a telungalek er kau? Uriul er a bedeseuii sel soam el meruul er ngii, e moluluuch el mo er a Chedam er a Babeluades e mochtotii a blak el reng er kau el soam el mengodech. Molbedebek el kmo ngokiu a klisichel a Tngkairang er Ngii, e a Jesus Kristo a sebechel ngosukau el mo mesisiich er a chelitechetum. El uaia osischeklel a President Monson, “A sengk er a ouchel reng, lebeskid a Osobeled, a ngosukid el sumecheklii a roled.”

Ng uaisei el moktek er kid er a temel a beches el rak a ngosukid el mo ungil, eng di a kot el bedochel el rael a okiu ouchel reng.

Dirrek el mues a “Eight Myths about Repentance” er a lds.org/go/1186.

RENGALEK

A Ouchel Reng a Sengk

A sengk er a ouchel reng a diak el sengk el sebechem el mesang malechub e mretechii. Ng bai, sengk el kau a melchesuar. Ng belkul a kmo sel dengiltii a mekngit, eng sebeched el ouchel er a rengud e lmuut el melchesuar a budech me a deureng.

A Chedam er a Babeluades me a Jesus a sebechir el blechoel ngosukid el ouchel a rengud. Mousunga a bek el kakerous el dauch er a ouchel el reng.

Ng mo mekngit a rengud.

Kede meluluuch el mo er a Chedam er a Babeluades, louchais er Ngii a dilubech, e olengit a ngesou er Ngii el mo melilt a ungil.

Kede meluluuch e lmuut el melasm el mo ungil.

Kede melchesuar a budech e medengei el kmo kede mla mousubes.



Klaumerang, Telungalek,
Ngesou

Moldingel er Ngii er a Ngii di el Taem, Ngii di el Ker, Ngii di el Ngerang

A oldingel e olisechakl a melutk el kirel omesiou. A Jesus a milesiou er a ngii di el taem me a ngii di el ker, Kid a sebeched el meruul er a osisiu.

A “oldingel” a belkul a kmo kede mesiou, omekerreu, e olngeseu el kirel a chelodir malechub a deureng er a tara chad. A oldingel e olisechakl a melutk el kirel a osiik a teletael er a ngesou el mo er tirkel doldingel er tir. A Jesus Kristo a uleldingel er a rokui el chad er a ngii di el taem me a ngii di el ker. Ngii a ulemekang er a reim el telael el chad, milngelaod er a Mary me a Martha er a lemad ochederir, e ulisechakl er a ebangkelio er Ngii el mo er a redil el mlara chido. Ng miruul el uaisei le Ngii loba meral beltik el reng el kired.

A domekesiu er a Okesiul, e kid a roldingel e olisechakl a sebeched el merael mo medengeli e oubeltik el reng er a odos el doldingel er ngii, el medengei el kmo a beltik el reng a dodai er a rokui el tekoi el doruul. Sel doluluuch losiik a ulekrael el kmo kede mekerang e mesiou er ngii e ngoseuir el smisichii a klaumera er ngii, e a “reanghel a diak el

sebechir el mo cheroid er kid e [lak] le ngesukid.”¹

Meng ulemuchel er a cheldellel a Relief Society er a 1842 el mei er a chelechal sils, e a odingel er a redil a mla omekngeltengat a klengar. Okesiul tiang, a Joan Johnson, el okai me a eru rekil mla melakl el dil, me a kldemel er a odingel e olisechakl a merael loldingel er a tonari er tir el okai me a etiu a rekil redil e smecher. Te mlo medengei el kmo ngika el tonari er tir a diak di lousbech odingel er a tal buil, me te ulemais loldingel er ngii er a bek el sandei el mo duum malechub e te di oudengua.

A kuk rebebil er a roldingel e olisechakl, a oldurokl a text malechub a email lolab a melisiich el tekoi el ngoseuir a odos er seikid el buil. Sel doldingel e dorrenges a ochotii a beltik el reng e kot el klou a ultutelel er a taem er a odingel me a olisechakl. A technology er chelechal taem me a odingel le mo duum a medad a ngosukid el mo

oldingel er a ngii di el taem, ngii di el ker, me a ngii di el ngerang.² Tia teletael er a odingel el uaisel luruul er ngii a Jesus.

ULEKLATK

1. *Teachings of Presidents of the Church: Joseph Smith* (2007), 454.
2. *Mesa Handbook 2: Administering the Church* (2010), 9.5.1.

Ka Momdasu er Tiang

Kede mekerang e mo diak domdasou el kirel a kmo “ngera ungil” el kirel a oldingel e olisechakl e bai mo omtab a usbechellel a dersta el odos er tirkel loldingel e olisechakl?

Oldingel

Meng bai diak el telutk el klumech er a bek el buil, e tial babier a mo olecholt a kakerous el osisechakl el ngosukid el muut el mo ungil loldingel er a ta me a tang. Me sel moluluuch e mosiik a ulekrael, e ke mo medengeli e chedaol klumech me a omesiou el dersta el odos ousbech.